

NORMAS DO COMEDOR

A prestación do servizo de comedor coincidirá co calendario lectivo, en horario de 13:00 a 15:30 horas en tres quendas:

- **1ª quenda:** Educación infantil de 13.00 a 14.00h. **Saen ás 14.30h.** Carné azul
- **2ª quenda:** 1º, 2º, 3º de primaria de 14 a 14.45h. **Saen ás 15h.** Carné amarelo
- **3ª quenda:** 4º, 5º, 6º de primaria de 14.45 a 15.15h. **Saen ás 15.30h.** Carné verde

Solicitudes e prazo de presentación.

As solicitudes para facer uso do comedor entregaranse na secretaría do centro e serán devoltas debidamente cumprimentadas antes do 20 de xuño.

O alumnado de 4º de educación infantil non poderá facer uso deste servizo ata o mes de outubro, por estar no período de adaptación

Para os cambios de días de uso, altas e baixas, as familias o notificarán por escrito ou por correo-e: ceip.emilia.pardo@edu.xunta.gal. Terán que avisar cunha semana de antelación, e non se fará efectivo ata o primeiro día do mes seguinte . Farase unha excepción no mes de setembro: permitiranse os cambios ata o día 20, sempre que non fixeran uso do comedor o longo do mes, se non terán que esperar ata o vindeiro mes, para poder facer ditos cambios.

As seguintes normas de uso do comedor serán de obrigado cumprimento:

Para todos os alumnos/as usuarios deste servizo:

1. Ser puntuais á hora de entrar no comedor.
2. Non facer ruído nos corredores de acceso ao comedor.
3. Entrar de forma ordenada.
4. Non deixar encharcados os cuartos de baño nin os papeis tirados polo chan.
5. As normas de hixiene para o comedor son: Lavar as mans antes e despois de comer, usar os cubertos e non comer coas mans, non tirar comida nin panos de mesa ao chan.
6. Durante a comida pódese falar pero non elevar a voz, o ruído fai a estancia no comedor desagradable.
7. Durante este curso cada usuario terá un lugar fixo na mesa do grupo clase.

Para as familias:

- a) **As familias que fagan uso do comedor terán que ler e cumprir estas normas.**
- b) **Ningún alumno/a poderá facer uso do comedor se non está debidamente matriculado.**
- c) **Avisar ao colexio antes das 9:30 da mañá se non se vai asistir ao comedor, en caso de non vir a clase ou se vai saír antes de rematar as clases.** Se as faltas de asistencia son de días sucesivos deberán ser comunicadas á Dirección do Centro, se son por motivos de saúde co correspondente informe médico; se a causa é por asuntos familiares, coa correspondente xustificación escrita.
- d) **As faltas de asistencia non comunicadas o sen xustificar ao comedor durante tres días consecutivos ou discontinuos nun mes natural podería supoñer a perda da posibilidade de asistir o comedor durante dez días. En caso de volver a incumprir esta norma, pode supor a expulsión definitiva neste curso escolar.**
- e) **Se algún alumno/a ten que tomar unha medicación terá que traer o informe do médico e informar debidamente do caso.**
- f) No caso do alumnado de 5º e 6º de EP que marche só sen ser acompañado, a familia terá que cubrir a debida autorización e entregala ás monitoras do comedor.
- g) Os pais, nais ou titores terán que cubrir a folla das persoas autorizadas para recoller aos seus fillos/as. No caso dunha incidencia fortuíta que obrigue a que sexa unha persoa nova a que veña a recoller a un alumno/a, terá que presentar a autorización debidamente cuberta e asinada.
- h) Neste curso, para axilizar o traballo das monitoras, **calquera persoa que veña a recoller ao alumnado, deberá presentar o carné de autorizado/a, incluíndo aos proxenitores.**
- i) **Se existe unha sentenza xudicial que impida ou limite a recollida dun alumno/a, a familia terá que presentala á dirección do centro, para que de as instrucións pertinentes.**
- j) **As condicións especiais dos comensais especificaranse expresamente nas solicitudes de praza. No caso de dietas especiais deberá presentarse certificado médico actualizado no que se especifique o tipo de dieta necesaria (celíaca, lactosa...).** En caso de enfermidade sobrevinda (gastroenterite...) non fará falla certificado médico, se solicitará a dieta branda por teléfono ao colexio.

Causas de exclusión

Decaerá do seu dereito prioritario:

- O alumnado que fose obxecto de sanción disciplinaria grave durante o curso, segundo valoración da Comisión de Convivencia do Consello Escolar.
- O alumnado que non teña o pagamento ao día do servizo de comedor.

Causará baixa automaticamente do servizo:

- O alumnado que durante o prazo dun mes de xeito continuado non faga uso do servizo coa frecuencia solicitada e non o xustifique debidamente ante a dirección do centro.

Poderán ser suspendidos durante 3 días do dereito ao uso do servizo:

- O alumnado que teña 3 partes de incidencias.

Poderán ser suspendidos durante 10 días do dereito ao uso do servizo:

- O alumnado que en 3 ocasións non comunique a súa ausencia, antes das 09:30 da mañá.
- O alumnado que unha vez sexa expulsado 3 días deste servizo e continúe con actitudes disruptivas, previa consulta á Comisión de Convivencia.

Poderán ser expulsado definitivamente do dereito ao uso do servizo:

- O alumnado que persista nestas condutas disruptivas despois destas sancións.

A DIRECCIÓN.

28 DE OUTUBRO DE 2020